

## REGIONAL NEWS

UNIT

ALL INDIA RADIO, AGARTALA

Date:28-06-2024

Time: 07.35-07.40 AM Hrs

BENGALI MORNING BULLETIN

**C.M meets with P.M :**

মুখ্যমন্ত্রী ডাঃ মানিক সাহা গতকাল নয়াদিল্লির নতুন সংসদ ভবনে প্রধানমন্ত্রী নরেন্দ্র মোদির সঙ্গে সাক্ষাৎ করেন। তৃতীয় বারের জন্য প্রধানমন্ত্রী হওয়ায় শ্রী মোদীকে রাজ্যবাসীর তরফে অভিনন্দন জানিয়েছেন মুখ্যমন্ত্রী। বৈঠকে মুখ্যমন্ত্রী ডাক্তার সাহা রাজ্যের জন্য কেন্দ্রীয় অর্থ কমিশনের মঞ্জুরি বৃদ্ধি ও গেইলের সরবরাহ করা প্রাকৃতিক গ্যাসের দাম কমানোর জন্য প্রধানমন্ত্রীকে অনুরোধ করেন।

রাজ্যে সিঙ্গল রেল লাইন গুলোকে ডাবল লাইনে রূপান্তর করা, বিলোনিয়া ও বাংলাদেশের ফেনির মধ্যে নতুন রেল পথ চালু সাব্রুমের মৈত্রী সেতু দিয়ে ভারত-বাংলাদেশের মধ্যে যোগাযোগ গড়ে তোলার জন্যও মুখ্যমন্ত্রী অনুরোধ জানান। বৈঠকে, বাংলাদেশে মূল্য-যুক্ত পণ্যের রফতানির ওপর সাময়িক নিষেধাজ্ঞা প্রত্যাহার করার ওপর তিনি গুরুত্ব আরোপ করেন। দুই দেশের মধ্যবর্তী সাব্রুম-রামগড়-চট্টগ্রাম এবং সাব্রুম-রামগড়-মঙ্গলা রুট দুটিকে অন্তর্বর্তী পণ্য পরিবহনের প্রটোকল রুট হিসেবে অন্তর্ভুক্ত করা এবং এমবিবি বিমানবন্দরকে আন্তর্জাতিক বিমানবন্দর হিসেবে ঘোষণা করার জন্যও প্রধানমন্ত্রীকে অনুরোধ করেন মুখ্যমন্ত্রী।

রাজ্যে আরও ১৫ টি একলব্য মডেল স্কুল, আগর শিল্প ভিত্তিক আন্তর্জাতিক বানিজ্য ও গবেষণা কেন্দ্র স্থাপন করার ব্যাপারেও প্রধানমন্ত্রীর সাথে তিনি আলোচনা করেন।

প্রতিরক্ষা মন্ত্রী রাজনাথ সিং-এর সঙ্গে সাক্ষাৎ করে মুখ্যমন্ত্রী রাজ্যে একটি সৈনিক স্কুল চালু করার জন্য অনুরোধ করেন। মুখ্যমন্ত্রী ডাঃ সাহা, স্বরাষ্ট্রমন্ত্রী অমিত শাহ-র সাথে সাক্ষাৎ করেন। স্বাস্থ্যমন্ত্রী জে পি নাড্ডার সঙ্গে সাক্ষাৎ করে তিনি ধলাই জেলার কুলাইয়ে এইমস হাসপাতালের মতো প্রতিষ্ঠান ও মেডিকেল কলেজ স্থাপন করার অনুরোধ জানান। পরে, দিল্লি ত্রিপুরা ভবনে রাজ্যপাল ইন্দ্র সেনা রেড্ডি নাগুর সঙ্গেও সৌজন্য সাক্ষাৎ করেন মুখ্যমন্ত্রী।

\*\*\*\*\*

#### **ADC Session :**

আজ ত্রিপুরা উপজাতি এলাকা স্বশাসিত জেলা পরিষদের একদিনের অধিবেশন অনুষ্ঠিত হবে। সকাল ১১টায় খুমলুঙস্থিত পরিষদীয় ভবনে বসবে এই অধিবেশন। এডিসি-র চেয়ারম্যান জগদীশ দেবর্মা এই অধিবেশন আহ্বান করেছেন।

\*\*\*\*\*

#### **Panchayat Election :**

রাজ্যে ত্রিস্তর পঞ্চায়েত নির্বাচনের নির্ঘন্ট আগামী জুলাই মাসের প্রথম সপ্তাহে ঘোষণার সম্ভাবনা রয়েছে। নির্বাচন হতে পারে আগস্ট মাসের প্রথম সপ্তাহে। পঞ্চায়েত নির্বাচনে মোট ভোটার সংখ্যা ১২ লক্ষ ৯৪ হাজার সাত জন। এরমধ্যে পুরুষ ভোটার ৬ লক্ষ ৫৮ হাজার ৫৮৯ জন। মহিলা ভোটার রয়েছে ৬ লক্ষ ৩৫

হাজার ৪৬০ জন ও তৃতীয় লিঙ্কের ভোটার রয়েছেন ১১ জন। রাজ্য নির্বাচন কমিশনার শরদিন্দু চৌধুরী আরো জানান, পঞ্চায়েত নির্বাচনে অনলাইনে মনোনয়নপত্র জমা দেবার কোন আইনী বিধান নেই। ফলে অনলাইনের মাধ্যমে মনোনয়নপত্র গ্রহণ করা সম্ভব হবে না। পঞ্চায়েত নির্বাচনে প্রার্থীদের নিরাপত্তা এবং শান্তিপূর্ণ পরিবেশ বজায় রাখার জন্য খুব শীঘ্রই রাজ্য পুলিশের মহা নির্দেশক এর সঙ্গে তিনি বৈঠক করবেন।

\*\*\*\*\*

#### **PMAY/ Khowai**

প্রধানমন্ত্রী আবাস যোজনা-গ্রামীণ প্রকল্পে খোয়াই জেলায় ১০ হাজার ৮৩০টি পরিবারকে পাকা আবাস নির্মাণ করে দেওয়া হয়েছে। এই যোজনায় জেলার খোয়াই ব্লকে ২, ১৫৬টি, তুলাশিখর ব্লকে ১,৮৪৮টি, পদ্মবিল ব্লকে ৯৪০টি, মুঙ্গিয়াকামী ব্লকে ১,৫৬১টি, কল্যাণপুর ব্লকে ১,৯০৬টি ও তেলিয়ামুড়া ব্লকে ২,৪১৯টি পরিবারকে পাকা আবাস নির্মাণ করে দেওয়া হয়েছে। প্রতিটি আবাস নির্মাণে ব্যয় হয়েছে ১ লক্ষ ৩০ হাজার টাকা। খোয়াই জেলাশাসক কার্যালয় থেকে এই সংবাদ জানানো হয়েছে।

\*\*\*\*\*

#### **Tourism Minister with Abhinava:**

হায়দ্রাবাদে অনুষ্ঠিত ইসরোর যুব বৈজ্ঞানিক কার্যক্রম যুবিকা প্রশিক্ষণ, ২০২৪ অনুষ্ঠানে পুরস্কারপ্রাপ্ত রাজ্যের ছাত্র অভিনব বণিক পর্যটন মন্ত্রী সুশান্ত চৌধুরীর সঙ্গে সৌজন্যমূলক সাক্ষাৎকারে মিলিত হন। সাক্ষাৎকালে পর্যটনমন্ত্রী শ্রী চৌধুরী

জাতীয়স্তরে রাজ্যের নাম উজ্জ্বল করার জন্য অভিনব বণিকের ভূয়সী প্রশংসা করেন।

\*\*\*\*\*

### **Rade in hotels to ban child labor in Sabroom**

শিশু শ্রম বন্ধ করতে গতকাল সাব্রুম মহকুমা প্রশাসন এবং দক্ষিণ জেলা শিশু সুরক্ষা আধিকারিক মান্না চৌধুরীর নেতৃত্বে সাব্রুমের বিভিন্ন হোটেল এবং রেস্টুরেন্টে অভিযান চালানো হয়। জাতীয় শিশু সুরক্ষা কমিশনের বিশেষ নির্দেশে পুরো দক্ষিণ জেলা জুড়ে বিভিন্ন খাবার দোকান হোটেল এবং রেস্টুরেন্টগুলিতে শিশু শ্রমিকের খোঁজে অভিযান চালানো হলেও বিভিন্ন হোটেল ও রেস্টুরেন্টে শিশু শ্রমিক পাওয়া যায়নি বলেও জানান জেলা শিশু সুরক্ষা আধিকারিক মান্না চৌধুরী।

\*\*\*\*\*

### **বৃক্ষরোপণ:**

শ্যামাপ্রসাদ মুখার্জীর বলিদান দিবসকে সামনে রেখে সারা রাজ্যব্যাপী বৃক্ষরোপণ কর্মসূচি হাতে নিয়েছিল রাজ্য বিজেপি। তারই অঙ্গ হিসাবে বৃহস্পতিবার খোসবাগানস্থিত পার্কটিতে বৃক্ষরোপণ কর্মসূচি আয়োজন করা হয় আগরতলা পৌর নিগম ২০ নং ওয়ার্ডের উদ্যোগে। আজকের বৃক্ষরোপণ কর্মসূচিতে উপস্থিত কর্পোরেটর রত্না দত্ত, ছিলেন বরদোয়ালী মন্ডল সভাপতি সঞ্জয় সাহা সহ বিজেপির নেতাকর্মীরা। প্রসঙ্গত ২০১১ সালে থেকে এই পার্কটিকে সবুজে ঘেরার উদ্যোগ নিয়েছিলেন। আরো কিভাবে পার্কটিকে সুন্দর করা যায় এছাড়া বিশ্ব উষ্ণায়ন রোধ

করা এ বিষয়গুলি নিয়ে এই বৃক্ষরোপণ কর্মসূচি বলে জানিয়েছেন শ্রীমতি দত্ত।

\*\*\*\*\*

**Awareness Rally/ Flood Prevention Month in Belonia:**

বন্যার সময়ে বাড়ির আশপাশের জলাশয়গুলি সুরক্ষিত রাখা, শিশুদের প্রতি নজরদারি রাখার বার্তা দিতে গতকাল বিলোনিয়া মহকুমা প্রশাসনের উদ্যোগে বিলোনিয়া শহরে এক জন সচেতনতা র্যালি অনুষ্ঠিত হয়। বিপর্যয় মোকাবিলা কতৃপক্ষের স্বেচ্ছাসেবীরা এবং অতিরিক্ত মহকুমা শাসক আশিষ বিশ্বাস, ডিসিএম অরিজিৎ পাল সহ মহকুমা প্রশাসনের অন্যান্য আধিকারিকরা র্যালিতে অংশগ্রহণ করেন।

\*\*\*\*\*

**Gift from Bangladesh :**

বাংলাদেশের প্রধানমন্ত্রী শেখ হাসিনা মুখ্যমন্ত্রী অধ্যাপক ডা: মানিক সাহাকে উপহার হিসেবে প্রসিদ্ধ হাড়িভাঙ্গা আম ৪০০ কেজি, ৫০ কেজি ইলিশ মাছ এবং ৫০ কেজি রসগোল্লা পাঠিয়েছেন।

\*\*\*\*\*

**Weather :**

আজ আকাশ সাধারণত মেঘাচ্ছন্ন থাকবে। দুয়েক জায়গায় বজ্র বিদ্যুত সহ হালকা থেকে মাঝারি পর্যায়ে বৃষ্টিপাতের সম্ভাবনা

রয়েছে বলে। দিনের তাপমাত্রা সর্বোচ্চ তেত্রিশ ডিগ্রী এবং সর্বনিম্ন সাতাশ ডিগ্রী সেলসিয়াস এর কাছাকাছি থাকবে। আজ ভোরে তাপমাত্রা 26.2 ডিগ্রি সেলসিয়াস। আগামী চব্বিশ ঘণ্টায় রাজ্যের সব জেলায় বিক্ষিপ্ত ভাবে বজ্র বিদ্যুত সহ বৃষ্টি পাতের সতর্কতা জারি করা হয়েছে।

\*\*\*\*\*

\*\*\*\*\*